

Sak 3 Årsmelding Vestland SV

Framleggsstillar: Fylkesstyret



Figur 1 Alle deltakarane på Fylkesårsmøtet 2024

Årsmeldinga er gjennomarbeidd av fylkesstyret med tilsette, men ikkje grundig korrekturlest.

Året oppsummert

Vi er i ferd å avslutte det sjettede året etter at fylkeslaget vart danna som Vestland SV. Med kvart år har vi laga oss nokre tradisjonar og rutinar som gjer at vi kan seie at dette har vore eit ordinært driftsår. Det har vore eit mellomvalår der målet var å byggje organisasjon, herunder økonomiarbeid og verving, drive tillitvaldskulering, følgje opp folkevalde, følgje ekstra godt opp utvala våre, drive fram nominasjonsarbeidet, lage nominasjonsmøte og førebu valkampen for 2025. Dette er den fjerde valkampen fylkeslaget står ansvarleg for og den andre stortingsvalkampen.

I stort har vi fått gjort mykje av det arbeidsplanen sikta på som viktig å drive med. Rett nok fullførte vi formelt arbeidet med å leggje ned fire lokallag. Men desse laga har vore svært svake eller meir på papiret enn i praksis, så slik sett er oversynet vårt over dagens lokallag eit oversyn over livskraftige lokallag. Det har vore viktig å følgje opp tillitvaldskuleringa, og der fekk vi konkretisert nokre samlingar som har vore svært verdifulle. Dette arbeidet er viktig å halde fram.

Eineståande folkevalde er dei folkevalde som sit åleine i kommunestyret. Desse har hatt eit særskilt tilbod der folkevaldansvarleg har invitert dei inn til digitalt møte jamt gjennom året. Dette er nyttig nybrottsarbeid, i tillegg til at vi har hatt tre utvida fylkesstyremøte der alle lokallag har blitt inviterte. Tidlegare år har vi hatt ein eigen folkevaldssamling på hausten. Det vart ikkje prioritert denne hausten, og slik økonomien er no ligg det ikkje inne i det komande budsjettet.

Nominasjonsarbeidet har vore spesielt omfattande i Hordaland dette året fordi der skulle nominasjonsmøtet velje ein ny fyrstekandidat etter Audun Lysbakken. Det var det knytt stor spenning til kven det skulle bli, og det har viktig for fylkesstyret å følgje opp oppdraget fylkesårsmøtet gav for eitt år sidan, slik at det vart ein open prosess der alle kunne kome med sine innspel til kandidatar, som vart vurdert grundig av ei nominasjonsnemnd. Fylkesstyret meiner at vi har greidd å leggje til rette for ein god nominasjonsprosess og debatt som råd.

Fylkesstyret har hatt god kontakt med fylkestingsgruppa og spesielt saka om tilbod for vidaregåande skular i fylket var venta skulle bli vanskeleg for SV og resten av det politiske miljøet i fylket. Fylkesstyret kalla inn til to utvida fylkesstyremøte om saka, og veldig mange av våre tillitsvalde var tilstade på folkemøte rundt omkring i fylket. Vi opplever at prosessen og tilslutt vedtaket vart landa på ein god måte, der spesielt Åsmund Berthelsen som leiar i opplæringsutvalet og Marianne Sæhle, medlem i same utval, skal ha stor takk.

Også saka om bybanetrase til Åsane som kom som ei politisk kule på ettersommaren gav oss i SV store utfordringar både på fylket og i Bergen. Til sist landa saka slik at SV er



langt ifrå å få gjennom sitt primærstandpunkt om bybana langs Bryggen, men det vart fleirtal for å arbeide vidare med ein ny trase delvis i tunell til Åsane.

Fylkesstyret er glad for at Vestland SV har medlemsauke. Det er veldig gledleg. Det vert innimellom verva godt, men det er likevel ikkje tvil om at det viktig å gjere verveulturen endå sterkare i partiet. Vi hadde eit ynskje om og hadde planlagt for at vi skulle få inn fleire økonomiske bidrag til fylkeslaga og lokallaga. Det har vi ikkje fått arbeidd godt nok med, og det er også slik at den digitale løysinga frå sentralt endå ikkje er heilt god nok.

Fylkesstyret har trivast i lag, har ein fine tone og arbeidd godt i lag gjennom året. Det vert få fysiske møteplassar, men det å ha digitale møte gjer også at det har jamt gjennom året vore godt oppmøte i møta i fylkesstyret og arbeidsutvalet. Og det gjer det lettare å delta i fylkesverv. Vi takkar for godt samarbeid med lokallaga, takk for arbeidsinnsatsen som alle våre tillitsvalde, folkevalde og tilsette har stått for. Det gjer at det er eit sterkare fylkeslag som er samla til det sjuande fylkesårsmøtet i Bergen.

Fylkesårsmøtet 2024

Møtet vart halde på Vestlandshuset i Bergen sentrum, laurdag 10. og søndag 11. februar 2024. Det var 88 utsendingar og 7 observatørar som kom i møtet, i tillegg til gjester og tilsette.

Det møtte utsendingar frå Alver, Askvoll, Askøy, Bergen, Bjørnafjorden, Fjaler, Gloppen, Høyanger, Kvam, Kvinnherad, Luster, Lærdal, Osterøy, Sogndal, Stad, Stord, Sunnfjord, Tysnes, Ullensvang, Vaksdal, Voss og Øygarden. Det var til saman 22 lokallag, og det var heile 5 fleire lokallag enn året før. I tillegg møtte 7 utsendingar frå Vestland Sosialistisk Ungdom, og 13 frå fylkesstyret.

Vi var opptekne av å få ned kostnadane med fylkesårsmøtet samanlikna med tidlegare år, det har vi klart. Det viktigaste grepet var å nytte Vestlandshuset som årsmøtelokale. I tillegg til at vi tok meir av logistikken rundt servering sjølv. Vi fekk ned kostnadane frå om lag 273 000 kroner til 230 700 kroner. Ein differanse på 42 700 kroner.

Under festmiddagen på laurdag kveld var det loddsal med utdeling av bruktbok-premiar. Alle inntektene gjekk til Norsk folkehjelp sitt humanitære arbeid på Gazastripa. Dette skapte mykje engasjement, og alle lodda vart selt.

Fylkesstyret



Figur 2: Fylkesstyret og tilsette

Desse vart valde til fylkesstyret:

Leiar:	Hege Lothe, Gloppen. Vald for eitt år.
Politisk nestleiar:	Jarle Brattespø, Bergen. Vald for eitt år.
Organisatorisk nestleiar:	Vibeke Johnsen, Sogndal. Vald for eitt år.
Økonomiansvarleg:	Asle Olsen, Bjørnafjorden. Vald for to år.
Miljøpolitisk ansvarleg:	Jens Revold, Bergen. Ikkje på val i 2024.
Fagleg ansvarleg:	Knut Remi Heimvik, Bergen. Vald for to år.
Kvinnepolitisk ansvarleg:	Kristin Hartvedt, Bergen. Ikkje på val i 2024.
Distriktpolitisk ansvarleg:	Kai Øystein Søvdde, Luster. Vald for to år.
Styremedlem:	Silje N. Olsen, Kvinnherad. Vald for to år.
Styremedlem:	Mari S. Hansen, Ullensvang. Ikkje på val i 2024.
Styremedlem:	Eva Mikkelsen, Bergen. Vald for to år.
Styremedlem:	Milkissa C. Wodajo, Bjørnafjorden. Vald for to år.
Gruppeleiar i fylkestinget	Marthe Hammer, Bergen
Stortingsrepresentant	Audun Lysbakken, Bergen
Styremedlem frå SU	Gabriella Haugland, (erstatta av Sondre Eide Abrahamsen og Andreas Liheim.)

Fylkessekretær Aslak Owren møter fast i styremøta og skriv protokoll.

Organisasjonskonsulent Sigrid Sandal møter i styremøta ved særskilte

høve. Organisatorisk nestleiar Vibeke Johnsen har i år også hatt rolla som folkevaldansvarleg.

Arbeidet i fylkesstyret

Det har vore 12 ordinære fylkesstyremøte gjennom året: 11. februar, 26. februar, 20. mars, 27. mai, 24. og 25. august, 18. september, 23. oktober, 13. november, 19. november, 4. desember, 15. januar og 30. januar. Styremøta er digitale med unntak av 11. februar (rett etter årsmøtet) og ei fysisk samling 24. og 25. august. Den fysiske samlinga var eit styreseminar over to dagar på partikontoret i Bergen. Det gav oss god tid til skulering og open diskusjon. Etter møtet 24. august åt styret middag saman ute. Dette fysiske møtet fekk vi ikkje på plass på våren, som vi har hatt tidlegare år. Det klart best å få den samlinga tidleg i perioden.

Fylkesstyret handsama saker på e-post, med vedtak om nedsetting av politiske utval 23. april. Dette vart handtert slik, sidan det i same tidsrom skulle haldast to utvida fylkesstyremøte.

Tre utvida fylkesstyremøte

Styremøta 25. april, 2. mai og 9. september var utvida fylkesstyremøte der lokallaga og fylkestingsgruppa var invitert til å vere med.

Vedtektene opnar for utvida fylkesstyremøte der alle lokallaga vert inviterte inn i møtet med ein representant kvar. Det er mogleg å ta opp kva emne ein ynskjer. Det utvida styremøtet kan etter vedtektene ikkje gjere eigne vedtak, då det ligg til fylkesstyret. Dette arbeidsåret har fylkesstyret invitert til tre utvida fylkesstyremøte, i tillegg til eitt ope møte om det nasjonale arbeidsprogrammet.

25. april: Tema for utvida fylkesstyremøtet var stortingsgruppa sitt arbeid med Nasjonal transportplan (NTP), og nominasjonsarbeidet i dei to valkrinsane våre.

Stortingsrepresentant Mona Fagerås i Transport- og kommunikasjonskomiteen heldt innleiing om NTP, og Frøydis Olaussen, leiar for nominasjonsnemnda i Hordaland, innleia om nominasjonsprosessen i Hordaland valkrins. Det vart også gjort greie for tilsvarande nominasjonsprosess i Sogn og Fjordane valkrins.

2. mai: Tema for det utvida fylkesstyremøtet var stortingsgruppa sitt arbeid med revidert nasjonalbudsjett, og fylkestingsgruppa sitt arbeid med tilbodsstruktur for vidaregåande skule i Vestland. Stortingsrepresentant Kari Elisabeth Kaski i Finanskomiteen heldt innleiing om revidert nasjonalbudsjett. Deretter vart det opna for ei generell innspelsrunde og spørsmål.

Åsmund Berthelsen, leiar i hovudutval for opplæring og kompetanse, heldt innleiing om heilskapleg plan for tilbodsstruktur for dei vidaregåande skulane i Vestland. Det vart deretter opna for ein generell runde med debatt og innspel.

9. september: Tema for det utvida fylkesstyremøtet 9. september var fylkestinget si sak om heilskapleg tilbodsstruktur for dei vidaregåande skulane i Vestland. Åsmund Berthelsen heldt innleiing om saka.

I sakene om heilskapeleg tilbodsstruktur for vidaregåande skule fekk alle lokallag som møtte høve til å leggje fram sine synspunkt, slik at både fylkesstyret og fylkestingsgruppa fekk med seg innspela vidare. Det har generelt sett vore godt frammøte frå lokallaga i dei utvida fylkesstyremøta. Spesielt når det er saker som er viktige for mange lokalsamfunn er dette ein nyttig måte å møtest på tvers av laga.

Ope møte om det nasjonale arbeidsprogrammet

Tema for det ope møtet 19. november var arbeidet med framlegget til nytt nasjonalt arbeidsprogram. Målet for møtet var å få fram kva saker fylkeslaget burde kome med eigne endringsframlegg. Det var innleiing ved Sara Bell og Ragnhild Freng Dale. Begge to er frå Vestland SV og har vore medlemmer av programnemnda. Møtet fatta ikkje vedtak, men innspel vart med i dei endelege endringsframlegga som fylkesstyret sende på vegne av Vestland SV.

Arbeidsutvalet

Arbeidsutvalet 2024-25 har vore:

Leiar:	Hege Lothe, Gloppen. Vald for eitt år.
Politisk nestleiar:	Jarle Brattespe, Bergen. Vald for eitt år.
Organisatorisk nestleiar:	Vibeke Johnsen, Sogndal. Vald for eitt år.
Økonomiansvarleg:	Asle Olsen, Bjørnafjorden. Vald for to år.

Fylkessekretær Aslak Owren møter fast i arbeidsutvalet, og skriv protokoll frå møta der. Organisasjonskonsulent Sigrid Sandal møter i arbeidsutvalet ved særskilte høve. Etter at Aslak Owren gjekk ut i farspermisjon har Sigrid Sandal overteke rolla som fylkessekretær og skriv protokoll frå møta.

Fylkessekretær er aktivt med i arbeidet med innkalling til møte, og med å lage sakspapir. Etter vedtektene er det berre leiar og dei to nestleiarane som har røysterett i arbeidsutvalet. Utanom møte vert det kommunisert på ei eiga chatt-gruppe, der det vert teke meir laupande avklaringar.

Møteverksemd i arbeidsutvalet

Arbeidsutvalet har hatt 15 møte gjennom året: 20. februar, 4. april, 11. april, 22. mai, 25. juni, 12. august, 19. august, 11. september, 16. oktober, 6. november, 27. november, 7. januar, 9. januar, 24. januar og 28. januar. Møta har vore digitale, bortsett ifrå eitt der deler av AU var samla i Bergen. I tillegg kjem møte med AU i Bergen SV.

Valnemnd

Valnemnda for 2024-25 har vore:

Leiar:	Veronicka Ruud, Askøy. Vald for to år.
Medlem:	Hege Læg Reid Røssland, Kvinnherad. Ikkje på val i 2024.
Medlem:	Bente Nilssen Owren, Bergen. Ikkje på val i 2024.
Medlem:	Magne Aardal, Sunnfjord. Ikkje på val i 2024.
Medlem:	Gjermund Lygre Kongsvik, Tysnes. Vald for to år.
Medlem frå SU:	Sondre Eide Abrahamsen, vald av Vestland SU, eitt år

Valnemnda har arbeidd godt og har i hovudsak gjort arbeidet via skriftlege avklaringar og telefonsamtalar.

Revisorar

Revisorar for 2024-25 har vore:

Hege Bjørnør, Bjørnafjorden
Lasse Turøy, Alver
Einar Gautefall, Sunnfjord (vara)

Det er hektisk å få stilt ferdig rekneskapen og gjennomført revisjon innan fylkesårsmøtet, men det gjekk i år også. Revisorane har gjort eit viktig og grundig arbeid.

Folkevalde

Etter kommune- og fylkestingsvalet i september 2023 er SV representert i 30 kommunestyre i Vestland, ein meir enn førre periode. Vi har 69 kommunalt folkevalde og 5 representantar i fylkestinget, ein auke på 12 folkevalde samanlikna med førre valperiode. Norvall Klungesæter, kommunestyrerepresentant i Bremanger, valde i november 2024 å melde seg ut av Bremanger SV, fordi han var usamd med lokalpartiet i ei politisk sak. Såleis er vi pr. dato representert i 29 kommunestyre.

Våre heiltidsfolkevalde er:

Audun Lysbakken, stortingsrepresentant frå Hordaland valkrins
Marthe Hammer, gruppeleiar og medlem av fylkesutvalet i Vestland fylkesting
Åsmund Berthelsen, leiar i Hovudutval for opplæring og kompetanse i Vestland

fylkeesting

Mikkel Grüner, gruppeleiar, nestleiar i Utval for barnehage, skole og idrett, og medlem i Forretningsutvalet i Bergen bystyre

Andre folkevalde med større frikjøp eller verv:

Diane Berbain, AU-medlem i Utval for helse og sosial i Bergen bystyre
Kjartan Haugsnes, varaordfører i Vaksdal

Fylkestingsgruppa i Vestland fylkeesting 2023-2027:

Marthe Hammer, gruppeleiar og medlem av fylkesutvalet
Åsmund Berthelsen, leiar i Hovudutval for opplæring og kompetanse
Marianne Sæhle, fylkestingsmedlem, hovudutval for opplæring og kompetanse
Alexander Papas, fylkestingsmedlem, hovudutval for kultur mm
Hege Lothe, fylkestingsmedlem, hovudutval for næring

9 av våre 69 folkevalde i kommunane sit som einaste representant for SV. Desse har vore inviterte til fire digitale møte for «eineståande folkevalde», to på våren og to i hausten. Det har vore låg deltaking i desse møta, men gode diskusjonar.

Det har vore lite aktivitet i facebook-gruppa: Folkevalde i Vestland. Det primært vore posta invitasjonar til seminar, konferansar og møte, og påminningar om desse arrangementa.

Lokale folkevalde har ein god del møte, mange sider sakspapir å lese og dei fleste gjer alt dette på fritida. Digitale og fysiske arrangement i regi av fylkeslaget, utvala og SV sentralt er meint å vere ei støtte i det laupande arbeidet, men tilbakemeldingar tyder på at det er krevjande å finne tid til å delta.

Politiske utval og nettverk

Arbeidsplanen legg opp til at fylkesstyret skal velje fleire utval som skal arbeide med ulike politiske saker. Det vart sendt ut ein eigen e-post til alle medlemmer tidleg i arbeidsåret, der alle hadde høve til å melde interesse.

Fylkesstyret hadde første runde med oppnemningar på eit styremøte 20. mars, der Kvinnepolitisk utval, Distriktpolitisk utval og eit Funkisnettverk vert oppretta. Gjennom e-postvedtak 23. april vart også Internasjonalt utval, Miljøpolitisk utval og Fagleg utval oppretta. I løpet av året har vi også oppretta eit inkluderingspolitisk utval som vart oppnemnt i fylkesstyremøtet 18. september.

Alle dei utpeika politiske utvala i arbeidsplanen har med dette vore nedsett for året 2024-25. Desse held fram til neste fylkesstyret oppnemnar nye utval i 2025.

Inkluderingspolitisk utval

Inkluderingspolitiskutval vart oppnevnt på fylkesstyremøtet 18. september. Vi rakk å gjennomføre to møter i 2024, eit fysisk og eit digitalt. Det fysiske oppstartsmøtet vart halde 15. oktober 2024 på Vestland SVs kontor i Bergen. Hensikta med møtet var å bli kjent med kvarandre og utarbeide ein plan for integreringsarbeidet vårt. Vi hadde ein god diskusjon og delte erfaringar knytt til inkluderings- og integreringsarbeid. Åtte av dei 17 medlemma deltok på oppstartsmøtet.

I november gjennomførte vi eit digitalt møte, der fem medlemmer deltok. På dette møtet diskuterte vi vidare om ulike saker knytt til arbeidet vårt og planane for 2025, samt fordelte oppgåver mellom oss.

Desse har vore med i utvalet

Leiar: Milkissa Chimdessa Wodajo, Bjørnafjorden

Medlem: Claire Falk Dracup, Bergen

Medlem: Stig Ove Sæthre, Voss

Medlem: Hashem, Bergen

Medlem: Silje Heltne, Bergen

Medlem: Camilla Grønning, Bergen

Medlem: Toril Lussand, Bergen

Medlem: Anders Listhaug, Bergen

Medlem: Liv Endresen, Luster

Medlem: Marit Tveito Askeland, Voss

Medlem: Carjet Demir, Bergen

Medlem: Egil Kaberuka Nielsen, Bergen

Medlem: Rahel Rusom, Askøy

Medlem: Erna Sofia Jøsedal, Bergen

Medlem: Wiebke Kelsch, Øygarden

Medlem: Johanne Marie Sletten, Bergen

Medlem: Yvonne Nshimirimana, Sogndal

Kvinnepolitisk utval

Utvalet vart oppnemnt på fylkesstyremøtet 20. mars. Det var få utanfor Bergen, og ingen frå Sogn og Fjordane som meldte interesse for å vere med i Kvinnepolitisk utval. Dette vart tema på styremøtet då oppnemninga fann stad.

Før utvalet vart sett ned, hadde det førre utvalet med Kristin Hartvedt som leiar eit arrangement i samband med Kvinnefestivalen i Bergen. Arrangementet vart halde 6. mars på Bergen Offentlege Bibliotek, og temaet var omvendt valdslarm. Innleiarar var Ellen, brukarrepresentant, Kathy Lie, stortingsrepresentant frå SV, Ellen Eikeseth Mjøs, advokat og Trude Eiane Vatne, politioverbetjent og koordinator for vald i nære

relasjonar og seksuallovbrot. Det var eit vellukka arrangement som òg vart dekt av Vestlandsrevyen. Under 8. mars-samlinga samarbeidde utvalet med Bergen SV om mobilisering. Saman med Bergen SV gjekk vi under parolen «Beskytt kvinner – Omvendt valdslarm no».

Utvalet har hatt 8 møter i 2024, 7 digitale og 1 fysisk. Det fysiske møtet vart halde 23. november på partikontoret i Bergen. Det fysiske møtet i Bergen var ein god og produktiv dag. Marthe Hammer heldt innlegg om korleis ein kan få gjennomslag for politikk, og medlem av utvalet, Lina Kristine T. Vatshelle, heldt innlegg om abortsaka.

Utvalet planlegg arrangement for Kvinnefestivalen 2025, i samarbeid med Kvinnefronten, for å diskutere den nye abortlova.

Desse har vore med i utvalet:

- Leiar: Kristin Hartvedt, Bergen
- Medlem: Stine Marie Hjelle, Bergen
- Medlem: Elin Hege B. B. Lona, Bergen
- Medlem: Malene Nesse Grønningen, Bergen
- Medlem: Marthe Askeland Hagen, Bergen
- Medlem: Siren Bjørstad, Bergen
- Medlem: Inger Johanne Bakke, Bergen
- Medlem: Eva Aarskog, Øygarden
- Medlem: Lina Kristine T. Vatshelle, Bjørnafjorden
- Medlem: Erle Lilliane Wesenlund, Ullensvang
- Medlem: Johanne Strømseng, Bergen
- Medlem: Anna Kathrine Eltvik, Bergen

Distriktpolitisk utval

Utvalet vart oppnemnd på fylkesstyremøtet 20. mars. Utvalet har hatt 3 digitale møter i 2024. Me har hatt gode diskusjonar gjennom året via e-post. Det har ikkje vorte halde nokon fysisk samling i 2024.

Desse har vore med i utvalet:

- Leiar: Kai Øystein Søvde, Luster
- Medlem: Bjørn Kåre Engseth, Eidfjord
- Medlem: Helge Schei, Sunnfjord
- Medlem: Gustav Fauskanger Pedersen, Bømlo
- Medlem: Nina Iren Moldekleiv, Alver
- Medlem: Einar Skogseth, Bergen
- Medlem: Siv Emdal, Stad

Medlem: Elisabeth Croles, Kvinnherad
Medlem: Geir Madsen, Kvam
Medlem: Mari Svartveit Hansen, Ullensvang

Miljøpolitisk utval

Utvalet vart oppnemnd av fylkesstyret i eit e-postvedtak 23. april. Utvalet har hatt mange fortløpande dialog på e-post. Her har mellom anna rovdyr, karbonavgift til fordeling, rettferdig straumstøtte, energispørsmål og transport vore tema. Jens Revold har delteke på dei fleste av møta i det nasjonale samlingane som Miljøpolitisk utval i partiet har invitert til. Jens Revold (og andre frå utvalet) har også delteke i møte tilltsvalde frå partiet har hatt ei rolle. Til dømes i Bergen Næringsforening, Forum for Natur og friluftsliv og Norsk klimastiftelse i Bergen der Lars Haltbrekke, Marthe Hammer, Kari Elisabeth Kaski og Kirsti Bergstø har snakka på vegne av SV.

Handsaming av fråsegn: Jerven har en naturlig plass på Hardangervidda
Fylkesårsmøtet vedtok å oversende fråsegn F7, «Jerven har en naturlig plass på Hardangervidda» til Miljøpolitisk utval for vidare handsaming, og endeleg vedtak i fylkesstyret. Miljøpolitisk utval leverte eit revidert framlegg til fylkesstyret for handsaming på eit styremøte 24. mai. Fråsegna vart på dette møtet vedteke med nokre ytterlegare endringar. Endeleg fråsegn kan lesast her: <https://vestland.sv.no/wp-content/uploads/sites/53/2024/08/vedteke-frasegn-2705-jerven-har-en-naturlig-plass-pa-hardangervidda.pdf>

Ope møte 5. juni på Verdas miljødag: Innleiar var Tom Skauge, nestleiar i Hordaland Naturvernforbund. Møtet var på Vestlandshuset i Bergen, med moglegheit for å delta digitalt. Om lag 25 fysisk med i møtet medan det var om lag 10 frå resten av fylket.

Ope møte med stortingsrepresentant Kari Elisabeth Kaski 29. august: Møtet var på Vestlandshuset i Bergen, med moglegheit for å delta digitalt. Det var rundt 30 til stades i rommet, og 12 med digitalt frå resten av fylket. Hovudemne var miljøraker i eit økonomisk perspektiv.

Ope møte med partileiar Kirsti Bergstø 26. september: Møtet var på Vestlandshuset i Bergen, med moglegheit for å delta digitalt. Hovudemne var miljøspørsmål i eit rettferdsperspektiv. Om lag 35 deltok fysisk på Vestlandshuset og om lag 7-8 digitalt frå resten av fylket.

Desse har vore med i utvalet:

Leiar: Jens Revold, Bergen
Medlem: Alena Dekhtyeva, Vaksdal
Medlem: Sigbjørn Løland Torpe, Sunnfjord

Medlem: Guri Bugge, Ullensvang
Medlem: Ellen Indrebø, Fjaler
Medlem: Agathe Børretzen, Etne
Medlem: Einar Svendsen, Askøy
Medlem: Morten Sageidet, Bergen
Medlem: Ragnhild Freng Dale, Bergen
Medlem: Karen Nybø, Bergen
Medlem: Torstein Gya, Bergen
Medlem: Ívar Stefánsson, Bergen
Medlem: Per Kristoffer Langbakk, Bergen
Medlem: Linda Karen Eide, Bergen
Medlem: Daniël Van den Broek, Bergen
Medlem: Lars Martin Myhre, Bergen
Medlem: Malena Danielsson, Bergen
Medlem: Erling Scherwell Rasmussen, Bergen
Medlem: Kim Straumsnes, Bergen
Medlem: Henning Jensen, Bergen
Medlem: Hallvard Birkeland, Bergen
Medlem: Kristin Skaar, Bergen

Fagleg utval

Utvalet vart oppnemnd av fylkesstyret i eit e-postvedtak 23. april.

Aktivitetar og møte: Utvalet har dessverre ikkje halde møte i 2024, då det ha vore svært utfordrande å finne passande tidspunkt. Vi håpar at dette vil bli betre i 2025.

Fagleg utval har delteke i

- Faglegpolitisk konferanse med LO-Vestland i juni
- SVs faglegpolitiske konferanse i september
- Sosialisme på norsk, SVs haustkonferanse i oktober

Initiativ: Fagleg utval har teke initiativ til å etablere ein samarbeidsavtale med LO-Vestland og Fagforbundet Vestland om faglegpolitisk samarbeid. Denne avtalen vil bli handsama i 2025.

Knut Remi Heimvik var med på eit fellesmøte mellom Fagforbundet Vestland og Vestland SV i januar.

Desse har vore med i utvalet:

- Leiar: Knut Remi Heimvik, Bergen (Fagforbundet)
- Medlem: Steinar Nørstebø, Bergen (Handel og Kontor)
- Medlem: Tina Åsgård, Bergen (NTL)
- Medlem: Jorge Del Pino, Stord (Fagforbundet)
- Medlem: Margrete Stave Aksnes, Sogndal (FO)
- Medlem: Jens Kristian Kampenes, Bergen
- Medlem: Torstein Gya, Bergen
- Medlem: Isabell Jensen Hem-Grindheim, Bergen (Utdanningsforbundet)
- Medlem: Ellen Indrebø, Fjaler
- Medlem: Kim Morten Larsen, Bergen
- Medlem: Eilert Jan Lohne, Bergen
- Medlem: Odin Myklebust Stenseth, Sunnfjord

Internasjonalt utval

Utvalet vart oppnemnd av fylkesstyret i eit e-postvedtak 23. april. Det har vore eit uttrykt ynskje frå fylkesårsmøtet gjennom mange år om å få til eit internasjonalt utval, det var difor gledleg at vi fekk valdt eit utval. Internasjonalt utval har i år hatt to møter, 14.05 og 18.06. Der diskuterte utvalet både arbeidsform og einskilde tema — Ukraina-krigen, Krigen mot Gaza, samt noko handelspolitikk. Det har dessverre ikkje latt seg gjere å halde oppe aktiviteten i utvalet etter sommaren 2024.

Desse har vore med i utvalet:

- Leiar: Audun Syltevik, Bergen
- Medlem: Morten Heszlein, Bergen
- Medlem: Thorleif Næss, Bergen
- Medlem: Cathrine Talleraas, Bergen
- Medlem: Daniël Van den Broek, Bergen
- Medlem: Rafael Cobo Garrido, Askøy
- Medlem: Lise Lotte Høye, Bergen
- Medlem: Ivar Bremerthun, Bjørnafjorden
- Medlem: Hedda Bakåsmoen Holm, Bergen
- Medlem: Gustav Fauskanger Pedersen, Bømlo

Funkisnettverk

Desse har vore med i nettverket:

- Leiar: Maria Steimler, Sunnfjord
Medlem: Mari Svartveit Hansen, Ullensvang
Medlem: Ingvild Hakestad, Askøy
Medlem: Karina Indrearne, Bergen

Nettverket vart oppnemnd på fylkesstyremøtet 20. mars. Det har hatt eitt møte i 2024. Det er etablert ei felles messengergruppe, der det går diskusjonar. Nokre av emnene som har vore diskutert i 2024 er ergoterapitenesta, CRPD og spesialpedagogikk i skulen.

Samepolitisk Forum og Råd



Figur 3: Eva Mikkelsen på samepolitisk forum

SV sitt samepolitisk forum er SV sitt nettverk for medlemmer i partiet som ynskjer å jobbe med samspolitiske saker. Forumet bidreg til SV sine folkevalde i samepolitiske spørsmål, og er ein verkstad for utvikling av SV sin samepolitikk.

Annakvart år vert det arrangert samepolitisk konferanse. Alle kan delta, men det er berre medlemmer i samepolitisk forum som har røysterrett. Samepolitisk konferanse er forumet sitt høgste organ, og gjer vedtak om kva samepolitisk kurs SV skal ha. Konferansen kjem med innstilling til medlemmer til SV sitt samepolitiske råd, som er

styre for forumet. Frå september 2024 har styremedlem i fylkesstyret, Eva Mikkelsen, gått inn som varamedlem i rådet.

SV sitt samepolitiske råd vert utnemnd av SV sitt sentralstyre etter innstillinga frå konferansen. Leiar av rådet vert vald av landsmøtet etter innstilling frå konferansen.

28. og 29. september 2024 vart den fjerde samepolitiske konferansen arrangert i Alta, der Finnmark SV var vertskap. For fyrste gong sende Vestland SV utsending til den samepolitiske konferansen. Eva Mikkelsen, representerte Vestland SV. Og rapporterte tilbake til fylkesstyret.

Dagen før konferansen byrja vart det arrangert tur til Stilla, med innleiing av Kjell Derås, Naturvernforbundet, om Alta-aksjonen. Og ope møte om kvelden med tema «Kasta på land – konsekvenser og reparasjon for sjøsamene» ein samtale mellom Inge Eriksen (Bivdu), Tom Vegar Kiil (Kystfiskarlaget) og Mikkel Berg Nordli (Samepolitisk Råd).

Saker som vart handsama under konferansen var vedtekter, arbeidsplan, rekneskap og budsjett. Konferansen vedtok særleg å ha fokus på valkampen i 2025, og at forumet aktivt skal arbeide for at samar sine rettar og interesser vert fremma som del av SV sin valkamp over heile landet.

Landsstyret

Landsstyrerepresentantar frå Vestland SV:

Medlem: Hege Lothe, Gloppen

Medlem: Jarle Brattespe, Bergen

1. vara: Vibeke Johnsen, Sogndal

2. vara: Kristin Hartvedt, Bergen

3. vara: Milkissa Chimdessa Wodajo, Bjørnafjorden

4. vara: Kai Øystein Søvde, Luster

I denne perioden har det vore fem to-dagars landsstyremøte med fysisk oppmøte i Oslo. I tillegg til Hege Lothe og Jarle Brattespe, har Vibeke Johnsen og Milkissa Chimdessa Wodajo har møtt som varamedlemer. Fylkesstyremøtene har vore lagt slik at fylkesstyret har høve til å drøfte saker før landsstyremøtene. Så langt som råd har innspel frå fylkesstyret i Vestland SV blitt med inn i landsstyret.

Fylkessamling, møte og anna kontakt med partikontoret

I november var det kalla partikontoret inn til fylkessamling for fylkesleiarane og fylkessekretærar. På dette møtet møtte Aslak Owren, Sigrid Sandal og Jarle Brattespe (då Hege Lothe hadde forfall). Dette er ei årleg samling med der dei 15 fylkeslaga møter

med fylkesleiar, fylkessekretær og gjerne ein tillitsvalgt til. I desse samlingane er det innleiingar som rettar seg spesielt inn imot oppgåvene til fylkeslaga, og det er også sett av tid til at ein kan få utveksla og drøfta erfaringar på tvers.

I januar 2025 var det møte mellom partisekretær og dagleg leiar på partikontoret, og fylkesleiar Hege Lothe og fylkessekretær Sigrid Sandal.

Utover desse faste møteplassane har det vore kontakt på telefon og e-post med partikontoret. Det er ein god tone og eit teneleg samarbeid mellom partikontoret og fylkeslaget. Det er likevel slik at leiinga av fylkespartiet er frivillige tillitsvalde, og innimellom skulle ein gjerne hatt endå meir tid til å ha kontakt innover imot partikonoret. I etterkant av partikontoret har overteke arbeidsgjevaransvaret for våre tilsette, er det også ein del formell kontakt gjennom året knytt til det. Dei tilsette har faste møtepunkt med partikontoret kvar veke.

Anna representasjon i SV

Vestland SV er representert både på Stortinget og i den sentrale leiinga i partiet. Audun Lysbakken er stortingsrepresentant frå valkrins Hordaland. Gina Barstad og Kerim Hestnes Nisancioglu er sentralstyremedlemmer, og Sara Bell er varamedlem til sentralstyret.

Sara Bell og Ragnhild Freng Dale har sete i komiteen som skreiv framlegg til nytt arbeidsprogram for SV. Dette leggjast fram på Landsmøtet i år for handsaming.

Representasjon i politiske utval og organ frå Vestland SV

Inkluderingspolitisk utval:

Leiar: Camilla Ahamath, Bergen
Medlem: Silje Oskar Heltne, Bergen

Internasjonalt utval:

Medlem: Rafael Cobo Garrido, Askøy

Kvinnepolitisk utval:

Medlem: Eira Vilde Martinsen Garrido, Bergen
Medlem: Ellen Hagen, Vaksdal

Miljøpolitisk utval:

Medlem: Ragnhild Freng Dale, Bergen
Medlem: Dag Sandvik, Voss

Fagleg utval:

- Medlem: Marianne Sæhle, Bergen
Medlem: Sara Bell, Bergen
Medlem: Steinar Nørstebø, Bergen

EU/EØS-utvalet:

- Medlem: Hlin-Såga Brosvik Kyrkjeøy, Bergen

Samepolitisk råd:

- Vara: Ragnhild Freng Dale, Birggon/Bergen
Vara: Aslak Owren, Birggon/Bergen (tom. 28. september)
Vara: Eva Mikkelsen, Birggon/Bergen (fom. 28. september)

Studentnettverk nasjonalt:

- Leiar: Augusta Moen Opsahl, Bergen
Medlem: Tuva Brady Normanseth, Bergen

Helsepolitisk nettverk:

- Medlem: Arild Iversen, Askøy

Vedtektsnemnda:

- Medlem: Audun Syltevik, Bergen

Valnemnda:

- Medlem: Vibeke Johnsen, Sogndal

Tilsette og fylkeskontor



Figur 4: Fylkessekretær Aslak Owren og org.konsulent Sigrid Sandal på sekretærbenken i fylkestinget

På kontoret sit to tilsette på heiltid: Fylkessekretær Aslak Owren som arbeider i full stilling for Vestland SV, og organisasjonskonsulent Sigrid Sandal som arbeider i full stilling, men fordelt 50/50 mellom Vestland SV og Bergen SV.

For dei tilsette er det SV sentralt som har arbeidsgjevaransvar, mens fylkeslaget har det praktiske arbeidsleiaransvaret. Den tettaste oppfølginga i det daglege gjerast av fylkesleiar Hege Lothe saman med gruppeleiar Marthe Hammer. Leiar i Bergen SV, Audun Syltevik følgjer også opp organisasjonskonsulenten. Mellom dei tilsette er det fylkessekretær som har dagleg arbeidsleiaransvar, og dei deler arbeidet seg imellom. Fylkesleiar gjennomfører medarbeidersamtaler ein gong i året, medan dagleg leiar hjå SV sentralt har medarbeidersamtale ein gong i året.

Fylkesleiar har førsøkt å ha faste oppfølgingsmøter med dei tilsette. Når det har blitt gjort er det ein veldig godt forum å få drøfta gjennom stort og smått av oppgåver som ligg framfor oss.

Fylkessekretæren er sekretær for fylkesstyret og arbeidsutvalet, og gruppesekretær for fylkestingsgruppa. Han har stort sett å gjere med alt fylkeslaget arbeider med, og følg opp dei organisatoriske tiltaka i fylkeslaget knytt til arbeidsplan, arrangement og valkamp. Elles gjer han mykje arbeid knytt direkte til lokallaga, og utfører det daglege økonomiarbeidet i samarbeid med økonomiansvarleg Asle Olsen.

Organisasjonskonsulenten deler si arbeidstid mellom Vestland SV og Bergen SV. Ho er tett involvert i all aktivitet i Bergen SV, og gjer organisatorisk arbeid for fylkeslaget, særleg rundt større arrangement og valkamp. Ho har eit særleg ansvar for drift av våre nettsider, sosiale media og bruk av ringevertøyet Zetkin. Nytt av i 2024 er at også organisasjonskonsulent gjer arbeid med fylkestingsgruppa.

Aktivitet frå dei tilsette

Dei tilsette har delteke på strategisamlingar, saman med dei andre fylkessekretærene, tilsette på partikontoret og i Stortingssekretariatet samt stortingsrepresentantane. Sigrid var også med på studietur til København og Malmö i juni med kollegaer fra dei andre fylka. Turen var organisert av og for dei tilsette i fylka og finansiert med utviklingsmidlar frå fagforeininga. I København traff me Sosialistisk Folkeparti i innspurten av valkampen til EU-parlamentsvalet, fagforeininga 3F og folkevalde lokalt, samt deltok på morgonaksjon og hadde internopplæring. I Malmö møtte me med kommunikasjonsbyrå og våre vener i Vänsterpartiet og Zetkin foundation.

I samband med fylkessekretærsamling og fylkessamling i november, tok dei tilsette ein ekstra dag for å møte med sekretariatet på Stortinget og besøke det nye partikontoret. Det er særst nyttig og me blir oppfordra til å gjere dette, då det er sjeldan me får snakka med stortingssekretariatet åleine.

Fylkessekretær Aslak Owren har også organisert og delteke på mange gode skuleringar av lokallag fylket, både reine styreskuleringar og økonomiskulering.

Fylkeskontoret

Fylkeskontoret til Vestland SV ligg på St. Jakobs plass 9 i Bergen sentrum. Det er fast kontorstad for fylkessekretæren og organisasjonskonsulenten. Gruppeleiar Marthe Hammer brukar også dette kontoret, når ho ikkje sit på kontoret knytt til fylkeskommunen.

Vi delar kontor og utgifter med Bergen SV, Bergen SU og Vestland SU. Ungdommane brukar kontoret flittig. Dei brukar også møterommet i kjellaren når dei er mange, eller når møterommet oppe vert bruk av andre. Kontoret har god tilkomst for personar i rullestol eller med barnevogn. Vestland SV har overteke praksisen til Hordaland SV om deling av kontorkostnadar. Den er no formalisert. Arbeidsutvalet har i løpet av 2024 formulert framlegg til avtalar på dette, og signert dei saman med Bergen SV og Vestland SU. Det er fleire deltarar i avtala, men hovuddelinga er 40% på Vestland SV, 40% på Bergen SV og 10% på Vestland SU.

Fylkessekretæren og organisasjonskonsulenten har i laupet av sommaren og hausten gjort godt arbeid med å gå gjennom, få orden på, rydde, reparere og kasta gammalt utstyr. Då fann han også eldre historisk materiale med nokre dokument som stamma frå 30- og 40-talet. Dette er oversendt til SV sentralt for arkivering, og fleire dokument vart gjeve vidare til Arbeiderbevegelsens arkiv og bibliotek. Dei tilsette har også rydda i og kasta mengder av nyare valkampmateriale. Nokre få eksemplar av kvar type materiell er teke vare på og rydda. Ein har også satt av og sendt inn fem eksemplar av kvart eks til Arbeiderbevegelsens arkiv og bibliotek i Oslo. Elles har sju eldre datamaskinar vore til handsaming hjå Tor Lædre, som gjorde godt arbeid med å redde ut dei eldre filene. Ein særleg takk går også til Ivar Grape Arnesen som har bidrege til ryddearbeidet.

Medlemmer og medlemsverving

Ved utgangen av 2024 hadde fylkeslaget 2139 betalende medlemmer. Det er 38 fleire enn ved utgangen av 2023, men 67 færre enn ved utgangen av stortingsvalåret 2021.

Fylkeslaget har auka i medlemstal sidan Vestland SV vart oppretta i 2019. Då hadde fylkeslaget 1982 betalende medlemmer. Det er viktig å bruke det komande stortingsvalåret 2025 til å verve medlemmer.

I SV kjem utmeldingane av tre årsaker: aktiv utmelding, manglande betaling av medlemspengar og at medlemmane døyr. Vi må altså erstatte dei medlemmane som går ut av partiet med nye medlemmer. Talet på nye medlemmer Vestland SV i 2024 var 193

medlemer. Utmeldingar tel 160 personar, det talet dekkar aktive utmeldingar og at ein mister medlemskapet sitt grunna manglande kontingentbetaling.

Nokre lag har fått mellom 5 og 15 nye medlemer. Det er Alver SV, Asløy SV, Bjørnafjorden SV, Kvinnherad SV, Sogndal SV, Stord SV, Sunnfjord SV og Voss SV. Bergen stiller i ein kategori for seg sjølv med over 100 nyinnmeldingar. 11 av lokallaga har ingen, ein eller to innmeldingar i laupet av året. Det er ein klar samanheng mellom aktivitet og nye medlemer. Av dei mindre laga har Luster SV og Høyanger SV auka med tre medlemer og Askvoll SV har auka med to. Bergen har 1094 medlemmer og utgjer i medlemstal 51,1% av fylkeslaget.

Sjå vedlegg 1 for medlemsutvikling 2022-2024

Sjå vedlegg 2 for oversikt over inn- og utmeldingar.



Lokallaga i Vestland SV

Vestland fylke har 43 kommunar. Vestland SV har 30 aktive lokallag fordelt på 30 kommunar. I alle desse kommunane fekk vi inn representasjon i kommunestyra i 2023.

I løpet av 2024 har Vestland SV gjennomført nedlegging av desse lokallaga: Austrheim SV, Austevoll SV, Stryn SV og Aurland SV. Dette er alle lokallag der vi over tid har prøvd å oppretthalde aktivitet, utan at vi har fått til at dette har blitt varig aktivitet. Då vi gjorde vedtak om å formelt leggje ned lokallaga var dette i tett dialog med kontaktpersonane



lokalt. Vi stilte liste i Austrheim og i Austevoll i kommunevalet 2023, men fekk ikkje vald inn nokon i kommunestyra der.

Såleis er ikkje 2024 eit år der vi kan rapporte om vekst i talet lokallag. Det er likevel anna mykje aktivitet som gjev grunn til optimisme. Det er stor spennvidde i kva type lokallag Vestland SV har. Det største lokallaget har over halvparten av medlemmene i fylkeslaget, medan dei minste lokallaga har berre nokre få medlemmer.

Bydelslag

Det største lokallaget er Bergen SV med over 1100 medlemmer. Laget har om lag halvparten av medlemstalet i fylket. Gjennom fleire år har det vore eit ynskje i Bergen SV å få til bydelslag-organisering i Bergen. Organiseringa av bydelslaga vart jobba veldig godt med i 2023 og skaut verkeleg fart og var svært viktige i lokalvalkampen i 2023. Dette arbeidet har blitt vidareført i 2024. Dette er absolutt eit arbeid Bergen SV skal ha æra for åleine. Sidan Vestland SV er inne å finansierer deler av stillinga til organisasjonsekretær Sigrid Sandal, så er det fordi vi meiner at bydelsorganiseringa i Bergen er svært viktig for partiet.

Sidan Bergen SV har såpass høgt medlemstal gjer det sitt til at alle bygdslaga i Bergen eigentleg kan er større enn eller på linje med dei mellomstore i lag i resten av Vestland SV. Laga Arna, Laksevåg, Loddefjord, Nordnes er om lag omkring 50 medlemmer. Danmarks plass har om lag 75 medlemmer, medan Dalen, Sydneshalvøen og Åsane kan skilte med 100 medlemmer. Dei store laga er Fana og Ytrebygda og Sandviken-Fjellsiden med mellom 150-200 medlemmer. Og Årstad, som har heile 250 medlemmer åleine. Dette laget er adskilt frå Danmarks plass, nettopp for å få ned storleiken på laget. Bydelsorganiseringa er også no formalisert i vedtektene i Bergen SV. Det er kjekt å sjå at fleire av laga er veldig aktive og skapar aktivitet som Bergen SV ellers ikkje ville fått til.

Lokallagsleiarsamling

Siste åra har vi gått fekk frå tradisjonelle fadderroller for fylkesstyremedlemene knytt til enkeltlokallag då vi ikkje heilt tykkjer at det har fungert slik vi har yngst. Vi prøver å ha direkte kontakt med lokallag når det er aktuelle problemstillingar. I år har vi kalla inn til ei digital lokallagsleiarsamling. Den var 5. november der vi gjekk gjennom dei viktigaste organisatoriske løfta framover. I 2025 er det valkampår og det vil vere naturleg at slike lokallagsleiarsamlingar vert delt opp etter valkrinsar, slik at valkampgruppene følgjer opp aktiviteten og forventningane til lokallaga i stortingsvalkampen.

Skulering av lokale tillitsvalde



Figur 5: Nestleiar Jarle Brattespe heldt skulering på Stord

Hausten 2024 vart det arrangert regionale samlingar i Leirvik og Norheimsund. I desse samlingane vart fyrst fremst lokallagstillitsvalde og folkevalde invitert til samling. Det var Aslak Owren, Jarle Brattespe og Alexander Papas (Leirvik) som stod for desse samlingane. Oppmøtet var godt og det var mange gode diskusjonar. Desse samlingane var organisert av fylkessekretær Aslak. Det var bolkar om å leie eit lokallag som mellom anna handla om styrearbeid og roller i lokallaget, om lokallaget og politikken, om medlemsoppfølging, økonomi og aktivitetar i lokallaget. Det var også invitert til samling på Skei. Denne samlinga hadde veldig få påmelde, og vart avlyst. Det vart heller sett opp skuleringspunkt på nominasjonsmøtet på Sandane 9. november.

Sidan vi ikkje har eigen folkevaldsamling vart det gjort eit ekstra mobiliseringsarbeid for å få flest mogleg tillitsvalde til programkonferansen "Sosialisme på norsk" i Oslo. Det var 20 som reiste frå fylket vårt, og fleire av dei var utvalsleiarar frå fylkestyret. Det er vi svært godt nøgde med, og det var også veldig gode tilbakemeldingar frå dei som var der.

Besøk frå partikontoret og Stortinget



Figur 6 Fagleg leiar Knut Remi Heimvik med partileiar Kirsti Bergstø på Bergen Brannstasjon

Gjennom året har fylkeslaget og lokallaga fått fleire besøk frå partikontoret og Stortinget. Dessutan kjem stortingsrepresentantane etter invitasjon frå andre aktørar. Lista nedanfor gjev ikkje heile oversikta for besøk til fylket, men er døme på nokre besøk.

April: Audun Lysbakken på NTP-konferanse i Bergen

Mai: Andreas Sjalg Unneland held 1. mai-tale i Førde og Florø

Torgeir Knag Fylkesnes vitja Voss SV og Kvinnherad SV, møte storfe-bønder og småfe-bønder og deltok på folkemøte om landbrukspolitik

Aug: Ingrid Fiskaa vitja Alver SV og møtte Folk for fjella der motstand mot vindkraftsprosjekt og kraftliner

Sept: Kari Elisabeth Kaski vitja Kvam SV og hadde mellom anna møte med Naturvernforbundet og Hardanger Fartøyvernssenter

September: Partileiar Kirsti Bergstø vitja Bergen, vitja mellom anna hovudbrannstasjonen i Bergen, Bærekraftig Liv Landås, Sammen Tannklinikk, panelsamtale om ungdom og ulikheit, møte med bystyregruppa og møte med Miljøpolitisk utval i Vestland SV.

Nov: Marian Hussein vitja Sogndal SV, var mellom anna innom Lærum fabrikk, og

deltok på ope møte om kvelden.

Nov: Lars Haltbrekken vitja Mongstad i Alver

Nov: Audun Lysbakken var i Bergen for bokbad med boka si I alle dager

Des: Partisekretær Audun Herning vitja Bergen SV og Vestland SV

Des: Freddy Øvstegård vitja Sandviken-Fjellsiden SV der han deltok i bokbad med boka
Nei til EU

Jan: Nils-Erik Flatø frå partikontoret vitja årsmøtet i Bjørnafjorden SV

Jan: Andreas Sjalg Unneland vitja årsmøtet i Bergen SV

Pressearbeid gjennom året

Fylkestingsgruppa med gruppeleiar Marthe Hammer i spissen har gjort mykje pressearbeid gjennom året. Oversyn over det står i årsmeldinga frå fylkestingsgruppa. Dette oversynet gjev eit greitt oversyn over pressearbeidet gjennom året, sjølv om det heilt sikkert ei presseklipp som ikkje har kome med i lista.

- 11. feb Vestland SV i solidaritet med Gaza (debattinnlegg), Midtsiden,
- 11. feb Hege fekk fornya tillitt, Firda Tidend (pressemelding)
- 12. feb Nytt styre i Vestland SV, Grannar
- 12. feb Lothe held fram som fylkesleiar i SV, NRK Vestland
- 13. feb Hege framleis leiar, Fjordabladet
- 14. feb SVs fylkesårsmøte prioriterer K5-prosjektet, Vaksdalsposten
- 16. feb Silje Nordtveit Olsen held fram i fylkestyret i Vestland SV, Kvinneheringen
- 16. feb Mari Svartveit Hansen om fylkesvervet: - Det er ei ære for ei funkiskvinne som meg, Hardanger Folkeblad, Hordaland Folkeblad
- 8. mars Beskytt kvinner no! (debattinnlegg ved Kristin Hartvedt, kvinnepolitisk leiar i Vestland SV og Marthe Hammer, gruppeleiar på fylkestinget, Vaksdalsposten, Sogn Avis, Firda Tidend,
- 28. aug Nyvald leiar for inkluderingspolitisk utval i Vestland SV (pressemelding)
- 30. aug Ønskjer Lothe på topp - sjå heile lista
- 3. sept Vil ha Nordtveit Olsen på 3. plass på stortingslista, Kvinnheringen
- 3. sept- Eg veit korleis det er å vere ny i Norge. Fersk osing med ferskt verv, intervju med Milkissa Chimdessa Wodajo, Os og Fusaposten
- 23. sept Jon og Rana står på partiet si liste til Stortinget, Fjordenes Tidende
- 3. okt Framlegg til stortingsliste for Hordaland (pressemelding)
- 3. okt Kamp om Lysbakkens stortingsplass - delt nominasjonskomité i Vestland SV, BT
- 5. okt Haustferie: Ja eller nei? Eg trur vi treng haustferie, Firda
- 5. okt Kamp om stortingsplass, NTB-melding

- 11. okt Hege Lothe og Alice Vie innstilt til stortingslista for SV, NRK Vestland
- 2. nov Marthe Hammer vald som stortingskandidat for SV i Hordaland, TV2 nettmelding,
- 9. nov Hege Lothe toppar lista for SV i Sogn og Fjordane (pressemelding) Fjordabladet, Firda Tidend, Firdaposten, Firda, Sogn Avis,
- 8. nov Fekk tredjeplassen, Grenda
- 8. nov Krever prestisjebygg tilbake på statsbudsjettet nok en gang, BT, Khrono, Marthe Hammer
- 13. nov Desse kan hamne på stortingsbenken neste år, Fjordingen, Fjordenes Tidende
- 17. nov Asle Olsen på lista til SV, Midtsiden
- 19. nov SV støttar tilrådingane som seier nei til fusjon av kraftselskap (pressemelding om SFE og Eviny-saka), Fjordabladet, Firda Tidend, NRK Vestland nett og radio,
- 26. nov Helsing til jubilaranten: Kjellbjørg Lunde 80 år, Firda, Bergensavisen, Sunnhordland
- 1. des Nytt løft for barnetrygda med SV (pressemelding) , Fjordabladet, Firda Tidend,
- 3. des SV stoppa gruvedrift: Selskap fall kraftig på børsen etter budsjettsemje, Fjordenes Tidende
- 6. des To nye skogvernområde i Vestland (pressemelding)

Sosiale medium

Vestland SV prioriterer å vere til stades og aktive på Facebook og Instagram.

Sosiale media er viktige kommunikasjonskanalar ut til veljarar, presse, medlemmer og motstandarar. Vi møter både våre eigne, folk som kan bli samde med oss og meiningsmotstandarar der.

Me kjem ikkje utanom at særleg Facebook er ein viktig kanal for å nå ut med politiske budskap. Dette er i stadig endring og ein gjer fortløupande vurderingar av om ein skal nytte fleire og andre kanalar. For internkommunikasjon i andre organisasjonsledd tilrår fylkeslaget å nytte andre plattformer som til dømes hypersys, Zetkin og Microsoft sharepoint, då desse har betre vern av personinformasjonen til medlemma våre.

Bilete, filmar og saker på sosiale media er viktige for å skape både samkjensle og kveik i eigen organisasjon, og få ut kunnskap og argument for våre saker.

Arbeidet med sosiale medium på fylkestinga har me også trappa opp mange hakk, til gode tilbakemeldingar, også utanfor fylket. Her har me freista å skape merksemd om

dei politiske sakene som er til behandling, informere om eigne gjennomslag og vise fram representantene våre som hyggjelege og hardtarbeidande folk.

Alexander Papas i fylkestinget har også oppretta ein eigen Tik-Tok profil der han profilerer seg sjølv om fylkestingsgruppa. Han lagar særst godt innhald og får mykje kommentarar og visningar.

Av dei tilsette er det organisasjonskonsulent Sigrid Sandal som heldt i arbeidet med sosiale media, og ho gjer mykje godt arbeid med det.

Facebook

Fylkeslaget har publisert mykje innhald på Facebook-sida i 2024, men med mindre rekkevidde enn før. Dette til tross for at vi har arbeida meir systematisk med å auke rekkevidda til innlegga våre gjennom å halde eit jamnt trykk av postar gåande. Me postar meir enn profilar me kan samanlikne oss med, og i Vestland er det berre Arbeiderpartiet og MdG som har større følgjarskare enn oss, som fylkesparti. Arbeidet med eller mot algoritmane blir stadig vanskelegare. Vestland SV har 3700 følgjararar og innhaldet vårt hadde 139.000 visningar totalt i løpet av året. Dei mest populære postane våre var av Marthe Hammer på opning av dobbeltsporet mellom Bergen og Arna, samt nominasjonen hennar til Stortingsvalet.

Instagram

Fylkeslaget har publisert ein del innhald på Instagram-sida i 2024, og i mindre grad enn før som rein parallellpublisering med Facebook. I 2024 har ein også teke i mykje større grad bruk av stories og reels. Dette ser me på trafikkstatistikken at gir oss meir merksemd. Ein prøver også å legge seg på ei linje med litt meir humor og uformelle ting på instagram, enn kva me legg på facebook.

Heimesidene

Det har blitt gjort ein del arbeid med å leggje meir informasjon ut på heimesidene. I 2024 har me lagt mykje i å produsere instruksjonar om korleis gje pengegaver og sette opp faste bidrag. Samt å lage materiell til lokallaga for vervekampanjar i sosiale medium.

Stortinget og Vestland SV

Dei store økonomisakene gjennom har vore revidert statsbudsjett i mai og arbeidet fram imot statsbudsjett-forhandlingane i haust. Fylkesstyret arbeider seg fram til våre budsjettprioriteringar som vert sendt til finansfraksjonen i stortingsgruppa. Vårt inntrykk er at dette vert lytta til, men at det er spesielt viktig kontakten med Audun Lysbakken. At han framleis er så sentralt i stortingsgruppa er viktig for at Hordaland skal bli høyrte. Audun Lysbakken har jamleg kontakt med fylkeslaget gjennom å møte på måndagsmøtene. I tillegg er det direktekontakt når saker er viktige for oss. Han er vald inn for Hordaland valkrins, men er oppteken av å ha syn for interessene til heile fylkeslaget.



Figur 7: Fylkessekretær Aslak Owren og Stortingsrepresentant Audun Lysbakken på samling i Stortinget i november

Samarbeid med fylkestingsgruppa

Fylkestingsgruppa har laga ein eigen rapport for sitt arbeid som gjev ein grundig gjennomgang og analyse av dei viktigaste sakene gjennom året. Gruppeleiar på fylkestinget, Marthe Hammer, er medlem i fylkesstyret og deltek i alle møta. Ho har ein fast post der ho informerer fylkesstyret om dei viktigaste og mest aktuelle sakene.

Dei fem fylkestingsmedlemmene har delt seg i fire fraksjonar, og desse har eigne fraksjonsmøte framfor møta i utvala. Det er samferdsle, opplæring, kultur og næring. Tidlegare har vi hatt ei folkevaldsamling der både fylkesstyret, fylkestingsgruppa, lokallaga og kommunestyrerepresentantar har møtt kvarandre. Sidan det har vore nominasjonsmøte hausten 2024 vart ikkje dette lagt inn i budsjettet.

Fylkesstyret vil rette ein stor takk til heile fylkestingsgruppa og ein ekstra takk til gruppeleiar Marthe Hammer som gjer ein formidabel innsats for oss. Ho profilerer SV godt utetter, og ho er god til å finne løysingar med utgangspunkt i SVs standpunkt med dei andre partia i posisjonen.

Samarbeid med Bergen SV

Vestland SV og Bergen SV har felles kontor og deler på arbeidstida til organisasjonskonsulenten. Med kontorstad i Bergen har også lokallagsleiar vore tett på sekretariatet i det daglege, noko som er ei stor styrke for laget og drifta. Det er faste måndagsmøte på kontoret. Då deltek Audun Syltevik, leiar i Bergen SV, Mikkel Grüner, gruppeleiar i bystyret, Gabriel Steinsbekk, sekretær for bystyregruppa, Sigrid Sandal, Aslak Owren, gruppeleiar på fylkestinget, Marthe Hammer og stortingsrepresentant Audun Lysbakken. Siste månadane har også Alexander Papas delteke ved høve. Dette er fyrst og fremst ei utveksling av informasjon mellom organisasjonsledda.

I midten av desember sørga Sigrid Sandal for at det vart invitert til felles julelønsj på kontoret der tillitsvalde frå både Bergen SV, bydelslaga og Vestland SV. Veldig triveleg samling.



AU+AU-møte

Arbeidsutvala i Vestland SV og Bergen SV har eigne møte som vi kallar AU+AU-møte. I perioden har det vore to slike møter: 9. april og 30. oktober. Då diskuterer vi felles saker og saker vi bør arbeide saman om eller informere kvarandre om. Viktige emne har vore formalisering av avtalane våre om kostnadsfordeling og ansvar for felles kontor og personalressursen i form av felles organisasjonskonsulent Sigrid Sandal som jobbar 50/50 for Bergen SV og Vestland SV. Felles arbeid med studiearbeid og avklaringar om korleis vi skulle løyse det praktisk i farpermisjonen til Aslak, når Sigrid gjekk inn som fungerande fylkessekretær.

Støtte til markeringar



Figur 8 8. mars-toget i Bergen

Mars

SV-arar deltok i 8. mars-markeringar over heile fylket. I 8. mars-toget i Bergen gjekk SV under parolen "Beskytt kvinner – omvendt valdsalarm no!", og i tillegg bar dei SV-flagg.

April

Ope Ukraina-folkemøte med Peter Christian Frölich frå Fritt Ukraina, Tor Fredrik Müller frå HMM Helsehjelp Ukraina, Dag Steinfeld og den ukrainske foreninga ved Volodomyr Novosad. Dette var eit politisk uavhengig arrangement. Organisatorisk nestleiar Vibeke Johnsen representerte Vestland SV.

Mai

Alexander Papas deltok på teltaksjonen på Muséplass saman med Bergen Sosialistisk Ungdom. Her hadde studentar hatt teltaksjon i ei veke. Krava deira var at Universitetet i Bergen skal gjera akademisk boikott av Israel, og fordømme okkupasjonen og folkemordet mot palestinarane.

Alle auge på Rafah!_

Aktivistar var samla i Nygårdsparken i Bergen for å markere solidaritet med befolkninga på Gaza. Vår eigen fylkestingspolitikar Alexander Papas heldt sterk appell

Juni

Bergen Pride, kor representant frå styret deltok i markeringa og stod på stand i Pride park.

August

Sogn og Fjordane-Pride-markering i Sogndal. Vestland SV støtta tilskipinga.

Oktober


27. oktober var det eitt år sidan bakkeinvasjonen av Gaza starta. I samband med dette arrangerte SV, Rødt og Palestinakomiteen i Bergen fredsmarsj under parolane "Fritt Palestina" og Stopp folkemordet". Vestland SV var representert.

Bybanemarkeringar

Bergen SV har invitert til informasjons- og innspelsmøte, samt markeringar, om bybanen til Åsane. Vestland SV har delteke i desse.

Eigne arrangement

Mars: Arrangement om omvendt valdslarm på Bergen Offentlege Bibliotek, arrangert av Kvinnepolitisk Utval. Frå SV kom stortingsrepresentant Kathy Lie, samt ein brukarrepresentant, ein bistandsadvokat og ein politibetjent og koordinator for vald i nære relasjonar og seksualbrottsverk.



Figur 9: Kvinnepolitisk leiar i Vestland SV Kristin Hartvedt leiar an på veg til 8. mars markering

Mai: SV-lag og -aktivistar gjer ein stor og god jobb med mobilisering til og gjennomføring av tog og arrangement 1. mai, i hovudsak i samarbeid med fagrørsla og partia på venstresida

Juni: Mange SV-lag hadde arrangement på verdas miljødag 5. juni.

September: Panelsamtale med Kirsti Bergstø på Litteraturhuset i Bergen. Media over heile landet melder om ein ungdomsgenerasjon prega av meir kriminalitet, rus og psykiske helseplager enn før. Stemmer dette, og i Bergen? Er årsakene til auka kriminalitet mangel på integrering eller eit resultat av aukande ulikskap?

Leiar Kirsti Bergstø og Vestland SV inviterte alle interesserte til eit ope møte og panelsamtale, kor eit utval aktørar blant, og tett på, ungdom i Bergen diskuterte utfordringar og løysingar.

Ope møte med Kirsti Bergstø på Vestlandshuset og digital strømming.

Nokon av spørsmåla partileiaren drøfta med oss var; kor står vi i det grønne skiftet og kor går vegen vidare? I følge FN sin naturavtale har vi forplikta oss til å verne 30% av vår urørte natur- korleis sikrar vi at dette blir gjennomført? Korleis skal vi forhalde oss til rovdyr og rovdyrpolitikk? Og korleis sikre rettferdige straumprisar til folk flest?



Figur 10: fullt hus på møte med Kristi Bergstø i regi av Miljøpolitisk utval i Vestland

November: Stortingsrepresentant og tidlegare partileiar Audun Lysbakken har gitt ut bok om si tid i partiet. I samband med dette vart det arrangert bokbad i Bergen, med bademeister Sandra Lillebø. Bokbadet vart gjennomført på puben/utestedet Magda i

Kong Oscars gate og var eit samarbeid med Bergen SV. Bokbadet var godt besøkt og ei fin samtale om Vestland SV og Hordaland SV sin innsats for å berge partiet i 2013, om fortid og notid for partiet og rørsla vi er ein del av.



Figur 11: Bokbad med Audun Lysbakken i Bergen

Nominasjon til stortingslistene

Vestland fylke har to valkrinsar til stortingsval: Hordaland og Sogn og Fjordane. I arbeidet med nominasjon skal Vestland SV gjennomføre to nominasjonar. Arbeidet med nominasjon vert fastsett i vedtektene. Førebuingane byrja i fjor haust når lokallaga vart bedd om å kome med framlegg til kandidatar til nominasjonsnemndene. Etter at fylkesstyret fekk inn få framlegg, vart fristen utvida og det vart sendt ut ny oppmoding om å sende inn framlegg. Deretter vedtok fylkesstyret framlegg til to nominasjonsnemnder, og eit framlegg til mandat for nominasjonsnemndene og prosess. Begge deler vart vedteke på fylkesårsmøtet. Mandatet kan lesast her: <https://vestland.sv.no/wp-content/uploads/sites/53/2024/02/mandat-for-nominasjonsnemndene-og-prosess-2.pdf>

Nominasjonsprosessen i valkrins Hordaland

Nominasjonsnemnda i Hordaland vald av fylkesårsmøtet:

- Leiar: Frøydis Olaussen, Bergen
Medlem: Steinar Nørstebø, Bergen
Medlem: Kjartan Haugsnes, Vaksdal
Medlem: Hege Lægreid Røssland, Kvinnherad
Medlem: Hlin-Såga Brosvik Kyrkjeøy, Bergen (Vestland SU)

Fylkessekretær Aslak Owren har vore sekretær for nominasjonsnemnda, men har etter avtale ikkje vore med på deira møte. Nemnda kom i gang raskt med arbeidet, og følgde oppsettet for mandat og prosess. Alle fristar som var sett opp i dokumentet vart følgt slik som oppsett. Med fyrst ein førebels liste og innspelsrunde til den og deretter ei ferdig innstilling til stortingsliste. Nominasjonsnemndene gjorde eit grundig arbeid med å hente inn tips til aktuelle personar, intervjuje aktuelle kandidatar og balansere ulike omsyn.

I arbeidet med at fylkesstyret skulle vedta framlegg til dagsorden for nominasjonsmøtet og framlegg til forretningsorden deltok Frøydis Olaussen, leiar i nominasjonsnemnda, i eige møte med arbeidsutvalet, saman med dei to innstilte kandidatane til fyrsteplassen: Sara Bell og Marthe Hammer. Der vart det gått igjennom forslag til dagsorden, forretningsorden og ordstyrarar, og drøfta korleis ein skulle organisere nominasjonsmøtet.

Nominasjonsmøtet: Nominasjonsmøtet var på Vestlandshuset laurdag 2. november. På nominasjonsmøtet møtte alle lokallaga så nær som eitt. På grunn av uver eit par døgn før vart det avklart på førehand at om det var utsendingar som ikkje fekk reist inn til Bergen å delteke på møtet på grunn av rasfare og stengde vegar, så kunne dei få delta digitalt. Det gjorde deler av Ullensvang-delegasjonen og utsendingane frå Eidfjord.

Kandidatane til fyrsteplassen presenterte seg fyrst, etter det kandidatane på dei neste fire plassane. Når det var gjort presenterte leiar i nominasjonsnemnda heile framlegget til stortingsliste. Deretter var det valttalar frå fleirtalet og mindretalet i nemnda, før det vart opna for ein lang sakeleg debatt i ein god tone der 44 tok ordet. Deretter var det røysting der Marthe Hammer vann med 47 røyster og Sara Bell fekk 31 røyster.



Figur 12 Topp 5 under nominasjonsmøtet

Nominasjon i Sogn og Fjordane

Nominasjonsnemnda i Sogn og Fjordane vart vald av fylkesårsmøtet:

- Leiar: Katrine Anita Heggelund, Gloppen
Medlem: Gaute Losnegård, Askvoll
Medlem: Jan Sigurd Haugen, Sogndal
Medlem: Hilde Iren Rivedal, Sunnfjord
Medlem: Andreas Liheim, Sogndal (Vestland SU)

Nemndsmedlem Hilde Brotangen Helleland vart vald på fylkesårsmøte, men måtte seinare trekke seg. Fylkesstyret supplerte nemnda med Hilde Iren Rivedal.

Nemnda følgde oppsettet for mandat og prosess vedteke på fylkesårsmøtet. Dei gjorde intervju med aktuelle kandidatar, tok imot innspel frå lokallaga og utifrå dette sette dei opp framlegg til liste. Etter ei innspelsrunde i lokallaga vart endeleg liste sendt ut til laga etter den fristen som vart sett. I Sogn og Fjordane valkrins var det semje i nemnda om den utsende lista og det kom heller ikkje inn benkeframlegg.

Nominasjonsmøtet var ei veke etter nominasjonsmøtet i Bergen. Nominasjonsmøtet var 9. november i Trivselshagen på Sandane. Sidan det ikkje var strid om lista, men tvert imot avklart semje på førehand var det ikkje fullt frammøte. Det vart sett av god tid til å

snakke ilag, presentasjon av kandidatane, debatt og deretter eit eige organisasjonsskuleringspunkt ved Vibeke Johnsen og Hege Lothe.



Figur 13 Vibeke Johnsen, Jakob André Sandal, Hege Lothe, Rana Krizan og Jøn Valur Olafsson

Førebuing til valkamp i 2025

Ved sidan av fylkeslaget har avvikla nominasjonsprosess og nominasjonsmøte i valkrins Hordaland og valkrins Sogn og Fjordane, har det også blitt gjort meir førebuingsarbeid til valkampen i 2025.

På styreseminaret for fylkesstyret i august handsama styret dreiebok for valkampen. Det er eit dokument som konkret prøver å skissere opp kva som er det organisatoriske løftet vi skal gjere i valkampen, utan at dokumentet legg seg i politisk profil, strategi eller kva kandidatlar som vart valde for å representere SV. Dokumentet har seinare blitt drøfta på to påfølgande fylkesstyremøte.

I desember gjekk styret gjennom og valde valkampgruppe for Hordaland og ei for Sogn og Fjordane. Det er opning for at ein seinare i laupet av våren kan justere deltakarane i valkampgruppene.

Nytt nasjonalt arbeidsprogram og landsmøte 2025

I starten av oktober vart det sendt ut nytt arbeidsprogram for SV i den komande stortingsperioden. Fylkesstyret oppmoda lokallaga og utvala våre spesielt om å lese programframlegget og levere inn eigne framlegg. Nesten alle utvala tok utfordringa og fleire skreiv mange endringsframlegg.

Fylkesstyret gjekk gjennom kva emne som var viktig for oss frå Vestland SV å halde i. Desse emnene gjekk vi gjennom og valde å invitere til ope digitalt møte om det nasjonale arbeidsprogrammet den 19. november. Politisk nestleiar Jarle Brattespe tok på seg å leie møtet og samle opp framlegg som utvala ikkje fremja som fylkesstyret tok ansvar for.

Fylkesstyret har kome med innspel til den førebuande valnemnda, men valde å ikkje sende inn endringsframlegg til vedtektene.

Samarbeid med Vestland SU

Vi deler fylkeskontor med Vestland SU. Vi har hatt eitt møte på våren og eitt møte i haust der fylkesleiar og fylkessekretær har møtt for oss, og SU møter med fylkessekretær og gjerne ein til. Vi fortel kvarandre kva vi held på med, og drøftar felles problemstillingar. Det er viktig for oss å ha eit godt samarbeid med SU og det tykkjer vi at vi har. Deler av førre år og starten på dette året kom ikkje SU-representanten i våre møter. Det har retta seg opp, og når vi treffest slik vert informasjonsflyten også betre. Fylkesstyret er opptekne av at Vestland SV gjerne vil bidra til at Vestland SU får endå fleire lokallag. Vestland SU har ein i kvar av valkampgruppene, og blir tett på valkampen. Spesielt skulevalkampen er eit viktig bidrag til SVs valkamp.

Økonomi

Fylkeslaget har solid eigenkapital og ein god økonomisk situasjon. Vi legg opp til underskot i valår og overskot i åra mellom. Det overordna biletet er at budsjettet på fleire poster har treft godt.

Resultatet for 2024 viser at overskotet på 300 000 kroner, ein del mindre enn budsjettet. Dette skyldast litt høgare utgifter enn budsjettet innan fleire postar. Inntektene blei omtrent som forventa, med eit avvik på rett under 15 000 kroner. På utgiftssida var avviket større, 75 000 kroner. Dette skyldast i hovudsak at ein brukte meir på felleskostnader til kontor, tilsette, fylkesårsmøte og andre kostnader. Det er tatt grep, enten ved å justere budsjett eller kostnadsreducerande tiltak, for å sørge for at ein treff betre i 2025.



På trass av ein sunn økonomi er det eit par utfordringar dei neste åra. Lønsutgiftene er forventa å auke meir enn inntektene, og er den største drivaren som gjer at vi styrar mot eit kraftig underskot i fireårsperioden, om vi ikkje tar grep. Dette skyldast at SV sentralt har bestemt at dei vil ta ein mindre del av kostnadane til dei fast tilsette i Vestland SV. Det, saman med høg prisstigning er årsakene til at kostnaden med dei tilsette aukar kraftig.

Fylkesstyret vil peike på at vi er veldig glad for at fylkestingsgruppa samfinansierer både tilsette og fylkeskontorlokale saman med fylkeslaget. Det styrkar økonomien til Vestland SV.

Det er fylkessekretær Aslak Owren som fører rekneskapen. Han har hatt eit godt samarbeid med økonomiansvarleg Asle Olsen om det daglege økonomiarbeidet, og den økonomiske styringa er god.

Vedlegg 1: Medlemstal i Vestland SV- 2022-2024

Medlemstal 2023 og 2024 med endring, fordelt på lokallaga. Austevoll, Austrheim og Stryn SV er teke ut av tabell samanlikna med tidlegare år. Medlemmene i desse kommunane er i kategorien «Medlem utan lokallag».

Lokallag	Medlemstal 31.12.22	Medlemstal 31.12.23	Medlemstal 31.12.24
Alver SV	36	38	41
Askvoll SV	15	15	
Askøy SV	63	67	69
Bergen SV	1136	1 084	1094
Bjørnafjorden SV	51	47	50
Bremanger SV	8	8	8
Bømlo SV	23	22	22
Eidfjord SV	8	10	11
Fjaler SV	23	25	25
Gloppen SV	33	34	33
Høyanger SV	14	13	16
Kinn SV	41	42	43
Kvam SV	22	25	25
Kvinnherad SV	26	26	32
Luster SV	5	9	12
Lærdal SV	21	23	23
Osterøy SV	19	19	19
Sogndal SV	89	100	107



Solund SV	4	6	6
Stad SV	45	47	44
Stord SV	63	65	71
Sunnfjord SV	77	78	81
Sveio SV	24	24	23
Tysnes SV	17	18	17
Ullensvang SV	28	34	32
Ulvik SV	11	12	12
Vaksdal SV	30	28	28
Vik SV	11	12	15
Voss SV	65	71	62
Øygarden SV	56	58	57
Medlem utan lokallag	23	21	44
Totalt	2110	2 101	2139

Vedlegg 2: Inn og utmeldingar i 2024

Med utmeldingar meinast også medlemmer som har mista medlemsskapet grunna manglande medlemskontingent.

Lokallag	innmeldingar	utmeldingar
Alver SV	7	5
Askvoll SV	2	0
Askøy SV	7	4
Bergen SV	103	91
Bjørnafjorden SV	5	3
Bremanger SV	1	1
Bømlo SV	1	1
Eidfjord SV	1	0
Fjaler SV	1	0
Gloppen SV	2	3
Høyanger SV	1	0
Kinn SV	2	2
Kvam SV	1	1
Kvinnherad SV	11	5
Luster SV	4	1
Osterøy SV	1	2
Sogndal SV	10	3
Stad SV	0	3
Stord SV	7	0
Sunnfjord SV	7	5
Sveio SV	0	1
Tysnes SV	0	1



Ullensvang SV	0	2
Vaksdal SV	1	1
Vestland SV	6	3
Vik SV	3	2
Voss SV	5	15
Øygarden SV	4	5
totalt	193	160